

INUIT ATAQATIGIIT

Inatsisartuni



UKA 2020/98
Mimi Karlsen

Konfliktråd-imut inatsit nr. 467 12. juni 2009-meersoq, tassa pineqaatisseereersimanerup qaangernerani pinerlussimasup pinerluffigineqartullu akornanni kiinneqatigiilluni oqaloqatigiissinnaanermut siunnersuineq, Kunngip akuerisaanik Kalaallit Nunaannut atuutilersinneqarsinnaasunngortikkumallugu Naalakkersuisut danskit Naalakkersuisuinut isumaqatiginninniarnissaannik peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Aleqa Hammond, Nunatta Qitornai)

Siunnersuuteqartup tunngavilersuutai paasilluarpagut.

Inuit Ataqatigiit isumaqarpugut, inuit pineqartut, imminnut saammaasseqatigiittarnissaannut aqquitasut tamarmik Nunatsinni periarfissaasariaqartut.

Eqqartuussiveqarneq pillugu Ataatsimiititaliarsuup innersuussutai tunngavigalugit Inatsisinut Ataatsimiititaliaq 2006-imi isumaliutissiisummik tunniussaqqarpoq, tasanilu Inatsisinut Ataatsimiititaliaq akerleriissuteqarnermi isumaqatigiinniartarneq pillugu misiligutitut aqqissuussinermik ingerlatsinissamut suliaqaaqqusisimalluni.

Attuumassuteqartut assigiinngitsut attavigineqarsimasut, Naalakkersuisut akissutaanni atuarsinnaavarput. Nalunaarullu 2021-mi atuutilersinneqarnissaanik pilersaarusiortoqarluni.

Taamaammat suliaq ukiuni amerlasuuni suliarineqarsimalluni, ingerlarsulersimanera nuannaarutigalugu siunnersuut itigartipparput.